

CHRIS

Dum



Cim

1921-

-1923

Autor,
cum,

quis esto
liber!

Theolog 3043 h

39. VI. 21.

Notandum ex hoc libro

Coel Melanctone pag -- 215

quod sit Sacramentarius

De Proelio quod sit etiam

in nonnullis faueret 220.

1800

1800

D. O. M. A. E. C.

Disputatio V.

COLLEGII CORPORIS DO-
ctrinae Præbendarum Ecclesiarum,

DE OFFICIO
CHRISTI,

SUB PRÆSIDIO

COELESTINI MISLENTÆ,

SS. Th. D. eiusdem, ut & Hebr. lin-
guae Profess. Ordinarij Consistorij
Sambienf. assessoris.


RESPONDENTE

HENRICO HELLENIO,

Oldenburgensi Frisio.

Publicè in Auditorio majori

20. Iulij habenda.



REGIO MONTI.

Typis Laurentij Segebadii, Anno 1624.



*Amplissimo, consuleissimo, doctrinâ, ac rerum
experientiâ prestantissimis viris; pa-
tricitis antiquissimis:*

DN. ARNOLDO à BOBERN,
J. U. Doctori, & inclyta reipub. Bre-
manæ Senatori ut dignissimo, ita
meritissimo:

DN. NICOLAO TILINGIO,
inter cives ibidem è primatibus
beac merito:

DN. HENRICO BREDELO,
DN. MEIMERICO SCHONEN,
DN. ADAMO SCHLAVCHEN,
Ejusdem Reipub. civibus spectatissimis
atq; integerrimis:

Dominis cognatis, & Affinibus, fauto-
ribus, ac Evergetis suis,

*Hanc Theologicam disputationem, in
grati animi signum dedicat*

HENRICVS HELLENIVS.

Am 1922 (c)

Disputatio V.



Simus hactenus de Christi persona: jam contemplabimur ipsius officium; ejus summa, necessitas, & dignitas vel ex eo evadit conspicua, quod ejus gratiâ λόγος carnem nostram, assumere voluerit, & sine quo salutis ne tantillum quidem nobis sperandum, fuisset.

THESIS ORTHODOXA.

§. 1. Considerari autem Christi officium potest vel in genere, vel in specie.

2. In genere officium Christi est apotelesma θεανθρώπου seu Mediatoris in procuranda salute totius generis humani. Notentur axiom.

1. Officium Christi in genere, seu actio Mediatoris, sex gradibus absolvitur, 1. discretionē & dijudicatione causæ inter partes dissidentes, 2. relatione & patefactione voluntatis divinæ respectu generis humani, 3. intercessionē & interpellatione pro parte ludente apud læsam, h. e. Deum, 4. satisfactionē & solutione parti læsæ pro ludente: 5. applicatione efficaci illius satisfactionis: 6. desensio

fenſione ac conſervatione liberatorum in parta ſalute. Ex hiſce gradibus oritur triplex Chriſti officium: 1. Propheticum ex primo & ſecundo: 2. Sacerdotale ex tertio & quarto: 3. Regium ex quinto & ſexto.

2. Ad officium Mediationis Chriſtus eſt unctus vel designatus ab aeterno: ad idem verò miſſus in tempore. Prov. 8. v. 28. 29. Ioh. 10. v. 36. 1. Pet. 1. v. 20. Hebr. 13. v. 20.

3. Omne officium competit Chriſto ſecundum utramq; naturam. Ratio, quia in omnibus officii Chriſti partibus utriusq; naturæ concurſus eſt neceſſarius: unde apotelesmata illa, ad neutram naturam ſeorſim; ſed ad utramq; unitim ſunt referenda. Hinc eſſata: Omnia apotelesmata officii Chriſti ſunt *θεαρεδυνα*: Vtraq; natura agit id, quod ſibi proprium eſt, cum communicatione alterius: Chriſtus in utraq; natura vel ſecundum utramq; naturam peragit munia officii ſui: Subjectum Mediationis officii eſt totus Chriſtus & totum Chriſti: Idiomata officiorum Chriſti nec poſſunt, nec debent alterutri naturæ tribui.

3. Natæ hinc ſunt triplices loquendi de officio Chriſti formulæ. I. Quædam loquuntur de officio Chriſti, mentione divinæ naturæ factâ. Eſa. 35. v. 4. Ol. 1. v. 7. Ador. 20. v. 28. Rom. 5. v. 10. c. 8. v. 3. 32. 1. Joh. 1. v. 7. c. 3. v. 8. Gal. 4. v. 4.

II. Quædam de eodem loquuntur, mentione humanitatis Chriſti factâ, idq; dupliciter, 1. *ἐληνός*, ubi tota humana natura commemoratur,

tur. I.
Chriſti
12. c.
Matt.
Chriſti
ſanguis
Cor. 1.
9. v. 12.
5. v. 9.
II.
totius
Matt. 1.
I V.
ad omni
munde
6. 51. c.
tor De
maius
4.
Prophet
5.
ſone Deo
Patris ſui
6. A
Precepto
ſui ſeder
præ. Hi

tur. 1. Tim. 2. v. 5. Vnus mediator homo Jesus
Christus: semen mulieris, gen. 3. 15. c. 12. 3. c. 18.
18. c. 22. 18. Matth. 20. 28. Hebr. 2. 17. 1. Pet. 1. 18. 19.
Matt. 9. 6. 2. μεσικός, ubi fit mentio vel carnis
Christi, Joh. 6. v. 51. 53. Col. 1. 22. Hebr. 10. 10. vel
sanguinis, Matt. 26. v. 28. Joh. 6. v. 53. 54. 55. 56. 1.
Cor. 11. v. 24. 25. Eph. 1. v. 7. Col. 1. v. 14. 20. Hebr.
9. v. 12. 14. 22. c. 13. v. 12. 1. Pet. 1. v. 19. Ap. 1. v. 5. c.
5. v. 9.

III. Quedam deniq; συναμφοτερίκως de
totius Christi persona efferuntur. Jer. 23. 5. 6.
Matt. 1. 21. Gal. 3. 13. Eph. 5. 2.

IV. Officium Mediationis Christi sese extendit
ad omnes homines. Datus enim Christus est toti
mundo salvator, Luc. 2. 10. Joh. 3. 16. c. 4. v. 42. c.
6. 51. c. 12. 47. 2. Cor. 5. 19. 1. Joh. 4. 14: ac Media-
tor Dei & hominum, non aliquorum; sed om-
nium. 1. Tim. 2. 6.

4. In specie officium Christi est triplex: 1.
Propheticum, 2. Sacerdotale, & 3. Regium.

DE PROPHETICO

Christi officio.

5. Officium Christi propheticum est functio per-
sonae θεουργίας, quā homines instruit de voluntate
Patris sui, & via ad vitam eternam.

6. Ab hoc officio Christus vocatur Propheta,
praeceptor, Rabbi, Legislator, Sermo Patris, Ange-
lus foederis, consiliarius, Lux mundi, de quibus su-
pra. His adde: Sapientia nostra. 1. Cor. 1. v. 30.

7. *Axiomata.* 1. *Excellentia muneris Christi* Prophetici omnem prophetarum omnium dignitatem longè latèq; excedit, 1. *ratione vocationis, & missionis, ac inaugurationis solennis.* Matth. 3. v. 17. c. 17. v. 5. Luc. 9. v. 35. 2. *Petr. 1. v. 17. 18.* 2. *ratione instructionis non per externum aliquod medium; sed per intimum secretorum Patris intuitum, ac per claram Dei visionem.* Matth. 11. v. 27. Ioh. 1. v. 18. c. 3. v. 11. 32. 3. *ratione donorum Spiritus S. non ad mensuram; sed ultra consortes suos.* Ioh. 3. v. 34. Heb. 1. v. 9. Act. 2. v. 33. 4. *ratione doctrinæ, cum divina auctoritate Evangelium patefaciendo, legem interpretando; miraculis propriâ virtute patris confirmando; novos deniq; fidei articulos promulgando.* 5. *ratione efficacis operandi in hominum cordibus.*

2. *Christi prophetia omnes sapientie & perfectionis thesauros continet.* Col. 2. v. 3.

8. Porro officii Prophetici Christi partes due sunt. Prior est munus docendi, quo Christus Ecclesiam suam informat in iis, quæ ad salutem necessaria sunt; idq; facit vel *immediatè* in propria persona, ante, & in diebus carnis suæ: vel *mediatè*, instituendo, & conservando ministerium usq; ad finem seculi. Huc propriè pertinet 1. *patefactio & prædicatio Evangelii,* 2. *Explicatio legis moralis,* 3. *prædictio futurorum,* 4. *Sacramentorum institutio,* 5. *miraculosa confirmatio.*

9. *Posterior pars officii Prophetici Christi*

est doctrinae efficacia, vis ac virtus, quâ Christus per verbum suum potentia Spiritus S. prædicatum corda hominum flectit ac movet ad doctrinam fidei amplectendam Luc. 24. v. 32. 45. Act. 16. v. 14.

DE SACERDOTALI Christi officio.

10. Sacerdotale Christi officium est *functio* θεουργία; quâ medium sese sistens inter Deum & homines peccatores, Deum toti generi humano reconciliavit.

11. Ab hoc officio Christus vocatur *Sacerdos*, Pontifex &c. de quibus disp. præced. Tenentur axiomata:

I. Sacerdotii Christi excellentia est, non secundum typum tribus Levi, sed Melchisedeci. Psalm. 110. v. 4. Heb. 10. v. 6. 7. 8. 9 ubi notandum, sacerdotii Christi duplicem fuisse typum, I. communem, secundum ordinem Levi, cui Christi sacerdotium non assimilatur ratione excellentiæ, ob defectum duplicem, 1. quia non efficaciter purgabat conscientias; 2. quia non erat perpetuum. Hebr. 7. v. 23. c. 10. v. 4. 11. II. singularem, secundum ordinem Melchisedeci, cui sacerdotium Christi assimilatur ob excellentiam, 1. ratione æternitatis, Psalm. 110. v. 4. 2. ratione conjunctionis duplicis officii, sacerdotalis & regii, 3. ratione decimationis Abraham ac Levi ipseus, adhuc in lumbis Abraham.

II. Sacerdotium Christi pertinet ad universum genus humanum: id quod evincitur ex singulis officii sacerdotalis Christi partibus.

12. Tres verò sunt actus seu apotelesmata sacerdotii Christi.

13. Primus, satisfactio Dei iustitiæ tùm pro culpa, tùm pro poena; aliàs obedientia dicta.

14. Satisfactio pro culpa (aliàs obedientia activa) est impletio legis moralis, & ceremonialis.

1. Perfectissima, quoad omnes legis partes, internis & externis viribus: quippe sine peccati ullius maculâ.

2. Pro nobis aut propter nos, non pro se aut propter se. Rom. 5. v. 19. c. 8. v. 3. c. 10. v. 4. Gal. 4. v. 4. 5.

15. Satisfactio pro poena est liberatio hominum à reatu peccati, & obligatione ad poenam æternam. Vocatur aliàs obedientia passiva in scholis Theologorum; vel passio Christi, de qua seqq. Axiomat.

I. Passio Christi tres admittit gradus cum dolore conjunctos.

1. In humillimâ nativitate, 2. à nativitate usq; ad S. coenæ institutionem, 3. ab hac usq; ad mortem crucis: qui gradus uti est intensissimus, ita κατ' ἐξοχήν officium sacerdotale ingreditur, ac in subsequenter intelligitur.

II. Passio Christi fuit necessaria, contingens, & utrinq; sancta.

I. Necessa

1. *Necessaria non consequentis, sed consequentiae necessitate*, ob prævisam & antegressam culpam humanam, 2. ob divinæ justitiæ placamentum & temperamentum ejusdem cum misericordiâ, 3. ob prædictiones, prævisiones divinas, finem, & eventum. Luc. 24. v. 7. 44. Matth. 26. v. 54. Johan. 3. v. 14. Actor. 2. v. 23.

2. *Contingens* 1. ratione omnipotentis Christi personæ. 2. ratione liberrimæ ipsius potestatis. Esa. 53. Ioh. 10. 3. ratione affligentium hostium, qui non erant à Deo ad hoc opus coacti, sed ex libero arbitrio id ipsum patrarunt. 3. sancta, ratione sanctorum Christi tùm dictorum, tùm factorum, in ipso insuper ærumnarum actu ferventissimo, ac acerbissimis cruciatibus.

III. *Passio Christi & mors simul erat actio*. Produxit namq; Christus patiando & moriendo effectus planè stupendos, divinos ac supernaturales; uti jam dicetur.

IV. *Omnes particule passionis Christi loco eminentissimo erant meritorie, satisfactorie & expiatorie; loco secundario experimentales; loco ultimo exemplares.*

1. *Meritorie* quidem respectu Dei irati & offensis; hac n. parte justitiæ divinæ Christus satisfecit, (a) peccata nostra expiavit, (b) nos à maledictio legis, (c) tyrannide peccati, (d) & potestate Sathanæ, (e) mortis & inferni (f) liberavit, cum Deo reconciliavit, (g) justitiam ac vitam æternam nobis acquisivit. (h)

(a) Rom. 3. v. 24. 25. Eph. 5. v. 2. (b) 1. Pet. 2. v. 24. 1. Ioh. 1. v. 7. (c) Rom. 8. v. 3. Gal. 3. v. 13. (d) Rom. 8. v. 3. (e) Hebr. 2. v. 14. 1. Ioh. 4. (f) Heb. 1. v. 15. El. 25 v. 8. Of. 13. v. 14. 1. Cor. 15. v. 54. 55. 57. (g) Ephes. 2. v. 16. Col. 1. v. 20. 22. 2. Cor. 2. v. 19. (h) 2. Cor. 5. v. 21. Dan. 9.

2. *Experimentales*, ut sciret compati nostris infirmitatibus. Heb. 2. v. 18. c. 4. v. 15.

3. *Exemplares*, atque ita Christus dicitur passus fuisse, ut nobis relinqueret exemplum obedientiae, quod imitemur in patiando pro veritate & iustitia, imprimis verò pro ipsius nomine 1. Pet. 2. v. 21.

V. *Christi passio erat universalis respectu temporis, & objecti.*

1. *Temporis* quidem 1. praeteriti, 2. praesentis, 3. futuri: expiavit namq; Christus passione suâ peccata, tùm quæ antegressæ erant ipsius natiuitatem, passionem & mortem, Rom. 3. v. 25. Hebr. 9. v. 14. 15. tùm quæ instantanea erant ipsius morti & passioni. Matth. 20. v. 28. c. 26. v. 28. Marc. 14. v. 24. Luc. 22. v. 20. tùm quæ adhuc erant de futuro, Rom. 4. v. 12. 13. 16. 17. 22. 23. 24. Gal. 3. v. 8. 9. 14. 22. 26. 27. 28. 29. Col. 1. v. 21. 22. Ephes. 1. v. 10. 12. 13. c. 2. v. 1. 2. 3. 4. 5. 11. 12. 13. 14. 15. 16. 17. 18. 19. c. 3. v. 3. 5. 11. 12. Hinc Christus dicitur Meri, hodie & in secula, Heb. 13. v. 8. & agnus dicitur occisus ab origine mundi, Apoc. 13. v. 8.

2. *Objecti respectu*, Christi passio ac ejus meritum sese extendit ad omnes homines, nullo excepto,

cepto, ac ne reprobis quidem. Universalitas meriti
Christi probatur, PRIMO ex intentione Dei, quæ
universaliter cernitur 1. ex universali Dei dilectio-
ne, ad universum mundum sese extendente ex
æquo, Ioh. 3. v. 16. Rom. 5. v. 8. Eph. 5. v. 25. 1. Ioh.
4. v. 9. 2. Salvatoris toti mundo promissionem, Gen.
3. v. 15. c. 12. v. 3. Gal. 3. v. 8. 3. universali missione,
Esa. 61. v. 1. Rom. 8. v. 32. Gal. 4. v. 4. 5. 1. Ioh. 4. v.
14. ad omnes homines, Ioh. 1. v. 9. Luc. 2. v. 10.
Tit. 2. v. 11. 4. ex universali peccatorum in Chri-
stum impositione, Levit. 16. v. 21. Esa. 53. v. 6. 5. ex
universali reconciliatione, Col. 1. v. 20. 2. Cor. 5. v.
19. 6. ex universali Veratione, Matt. 22. v. 2. Luc.
14. v. 16. 7. ex universali meriti Christi obsequio
tione per sacramentum initiationis, Marc. 16. v.
16. Gal. 3. v. 27. 8. ex universali pœnarum immo-
rigeris erga Messiam comminatione, Marc. 10. v. 16.
Ioh. 3. v. 18. 36. c. 16. v. 8.

SECUNDO à Christi fidelissimâ executione,
qui intentioni Patris sui satisfactorius, mortuus,
& passus est 1. pro toto mundo, Ioh. 1. v. 29. c. 6. v.
51. 1. Ioh. 2. v. 2. c. 4. v. 14. 2. Cor. 5. v. 19. 2. pro o-
mnibus hominibus, Esa. 53. v. 6. (infidelibus v. r.) Ioh.
1. v. 9. Rom. 5. v. 18. 19. 2. Cor. 5. v. 14. 15. (omnibus
v. 10. 11. 12.) Col. 1. v. 20. Eph. 1. v. 10. Heb. 2. v. 9. 1.
Tim. 2. v. 6. c. 4. v. 10. Luc. 2. v. 10. Ioh. 12. v. 32.
Rom. 8. v. 32. 3. pro iis insuper, qui propriâ culpâ
pereunt, Rom. 14. v. 16. 1. Cor. 8. v. 11. Heb. 6. v. 4. 5.
6. c. 10. v. 26. 27. 28. 29. 2. Pet. 1. v. 9. c. 2. v. 1. 18. 29.
21. 22.

Tertiò

TERTIÒ à latitudine objecti perditionis per Adam, & restaurationis per Christum; illud enim est universale, utiq; & hoc. Rom. 5. v. 15. 18. aliàs enim latior, & amplior fuisset morbus ex Adamo derivatus in totum genus humanum; quàm gratia Dei per Christum acquisita, ad tollendum illud malum: multò minùs gratia abundasset supra delictum, contra Rom. 5. v. 20.

V I. Christi satisfactio vel expiatio in morte, & passione erat sufficientissima & efficacissima, etiamnum est, & erit in æternum. 1. Sufficientissima I. intensivè, quippe potentissima ac æquivalens ad expiandum omnia peccata, originale, & actualia; quocunq; illa tandem nomine veniant, 1. Ioh. 1. v. 7. adeò ut nullà alià, vel novà oblatione Christi, vel alienà satisfactione opus sit. II. extensivè tùm omnium hominum, 1. Ioh. 2. v. 2. tùm omnium temporum, uti antea dictum.

2. Efficacissima utroq; etiam modo, 1. extensivè, concernens omnium hominum, omnibus temporibus; omnia peccata: 2. intensivè quòd reapse peccata ille expiarit; Deum placarit; ei omnes reconciliarit; eos liberarit à maledictio & rigore legis, peccato, Satana, morte, inferno, & æterna damnatione, adeoq; justificationem, & vitam æternam omnibus hominibus acquisiverit, vide suprà ax. 4.

V II. Christi mors & passio erat pœna æterna, non quidem duratione; sed virtute, & valore.

Æternitatem pœnæ hujus efflagitabat pro-

portio

portio inter hanc, & culpam. Culpa, quoad actum transeuntem, erat quidem momentanea & temporalis; quoad objectum verò & valorem æterna: quia offendit ac læsit iustitiam ac voluntatem Dei infinitam ac æternam. Proinde poenam similem exantlavit Christus plenariæ satisfactionis loco, vice nostri: finitam quoad actum, quippe in certo tempore & loco; infinitam, quoad valorem, 1. ob subjectum infinitum, quod est ipse Dei filius, 2. ob objectum, quod erant cruciatus infernales: 3. ob effectum, quia nos reduxit ac liberavit ex captivitate æterna; adduxit nobis iustitiam & vitam æternam. Atq; hæcenus de primo sacerdotii Christi actu.

16. Secundus actus sacerdotii Christi est applicatio hominibus omnium beneficiorum, merito suo acquiritorum. Notand. axiom.

1. Applicatio tribus actibus absolvitur.

1. Appropriatione satisfactionis, ut ea per fidem tam sit peculiaris ac propria hominibus, ac si ipsi eam in propria personâ, in propria anima, & corpore pro se præstitissent.

2. Collatione beneficiorum, passione & morte acquiritorum.

3. Conserpatione in acceptis beneficiis, ex persolutâ satisfactione fluentibus. Comprehenduntur omnes hi actus unico illo effato: *Christus est Mediator noster, non tantum merito; sed etiam efficacîa: ubi mentione efficacîæ actus ille tergeminus innuitur.*

II, Appli-

II. Applicatio bonorum merito Christi acquisitorum fit per Spiritum S. Ioh. 15. v. 26. c. 20. v. 22-23. ceu arrhabonem. Eph. 1. v. 14. c. 4. v. 30. 2. Cor. 1. v. 22.

III. Applicatio ista non est absoluta: sed ordinata & conditionata. 1. *Ordinata* quidem; quia, ad applicationem istam Spiritus Sanctus confertur per certa media, nimir. per verbum audibile, Rom. 10. v. 17. & visibile sive sacramenta, tùm initiationis vel Baptismi; tùm confirmationis vel coenae Domini.

2. *Conditionata* verò, quia praequirat fidem, quam Christus per media illa, nimir. verbum & sacramenta in hominibus obicem non ponentibus vult gratiosè operari; ipsoq; actu operatur: in contumacibus vero uti fidem non operatur: (quia non agit pro posse absoluto; sed ordinata voluntate) ita nec ipso actu, bona merito suo acquisita iis applicat; licet interea cum gratiâ suâ praeiudicium addat, & pulset, ut aperiat os eorum, Apoc. 3. v. 20. & omnes ex æquo ad se blandissimè invitet. Matt. 11. v. 27. c. 23. v. 37. Unde luculentum evadit, cur applicatio illa non sit universalis; in promptu namq; responsio est, non quidem ex particularitate affectus paterni divini; aut inefficiâ meritum Christi; sed ex culpa hominum inobedientium, & contumacium: æquè ac Regis cujusdam Christiani affectus benevolus particularitatis, vel prosopoleptias argui non potest, qui omnes suos

suos subditos ex captivitate Turcicâ, oblatâ certâ ac ἰσορροπία pecuniæ summâ, per filium suum actû liberare desiderarit; illorum verò quidam, spreto λύσιν, præfractè sub jugo Turcico perseverare petrexerint. Hic quidem nulla fieret λύσις illius, sive redemptionis applicatio; sed non ex defectu affectus regii erga subditos; nec ex defectu ac particularitate satisfactionis à filio regis, per precium interveniens præstita; sed ex culpâ & ingratitude, nec non præfractâ contumaciâ illorum subditorum. Aut si medicus omnibus in una urbe veneno intoxicatis, certissimum ἀλεξιφάρμακον propinaret; illud verò pleriq; respuerent; utiq; nulla hic foret applicatio, horum respectu; adeoq; nec à certissima morte liberatio; non ob fraudem medici; nec ob defectum efficaciz pharmaci; sed ob negligentiam patientis, ejusq; inobedientiam. Idem habendum circa applicationem Christi.

17. Tertius actus sacerdotii Christi est intercessio, quâ Christus sacerdos noster pro nobis interpellat apud Patrem, per meritum & satisfactionem suam.

18. Circa intercessionem Christi respiciendum est 1. ad ejus conditionem vel modum, 2. obiectum, & 3. fundamentum.

19. De modo Axioma I. Intercessio Christi est perpetua. Uti enim ab æterno intercessit pro genere humano lapsò; ita etiamnum intercedit.

Rom.

Rom. 8. v. 33. 34. quippe sacerdos in æternum.
Psalm. 110. v. 4. Heb. 6. v. 20. c. 7. v. 17. 21. 24.
25. 28.

II. *Christus pro nobis intercedit* 1. *pro nobis pre-*
cando, & 2. *nos patrocinio aduersus accusatorem*
defendendo. Heb. 7. v. 3. c. 12. v. 24. Rom. d. l. 1. Ioh.
2. v. 1. 2. Non nobis imaginemur aliquos gestus,
prostrati in genua Christi: quos quidem in die-
bus carnis adhibuit sæpius; vel extensarum pal-
marum; vel gemituum ac suspiriorum; omnia
hæc arguunt formam serui, quam ille deposuit;
sed cogitemus, Christum intercedendo, causam
salutis generis humani apud Patrem cœlestem
agere, eiq; meritum suum insinuare, ut propter
hoc, omnes in fide ad thronum Majestatis ejus
accedentes, in gratiam recipere dignetur; ne
ob peccata, licet grandia, eis succensere; multo
minus faciem ab eis avertere velit. Heb. 9. v. 24.

20. De objecto: Objectum intercessionis Christi
est generale & speciale. Generale concernit omnia
in universum homines; ipsos insuper hostes, &
inimicos Christi. Esa. 53. v. 12. Luc. 23. v. 34. Hinc
Christus præcipit nobis orare pro persecuta-
bus nos, Matth. 5. v. 44. & pro omnibus homi-
nibus, 1. Tim. 2. v. 1. Nostri igitur oratio non
potest nec debet esse latior Christi intercessionem.
Vocatur aliàs hinc precatio *ἡλαστική* generalis
ut Redemptoris ac Pontificis. Speciale concernit
solos fideles, Ioh. 17. v. 9. 11. 13. 15. 17. 20. Vocatur
hinc intercessio *φυλακτική* specialis Christi ut
Pastoris, Conf. Matth. 25. v. 24.

21. De fundamento: Fundamendum intercessionis Christi est ipſius meritum, & ſatisfactio.

22. Hinc colligimus: Quàm latè ſeſe extendit Chriſti meritum, tam latè etiam ſeſe extendit Chriſti interceſſio. Et vice verſà: Quousq; hæc patet; eousq; etiam Chriſti meritum. Iam verò Chriſti meritum eſt univerſale, uti ſuprà dictum eſt. E. & interceſſio non ad ſolos Electos reſtringenda (in totum; ſed in tantum) Et contra: Quia Chriſti interceſſio eſt generalis vel univerſalis: E. & Chriſti meritum nec debet nec poteſt reſtringi ad ſolos Electos.

DE REGIO CHRISTI officio.

23. Regium Chriſti officium eſt ſunctio βασιλείας, quā ipſe gubernat omnia in cælo & in terra, præcipuè verò in Eccleſia tùm militante tùm triumphante.

24. Ab hoc officio vocatur Chriſtus Rex, Dominator, Princeps & c. uti ſuprà dictum. Notentur h. l. Axiom.

I. Chriſtus officium ſuum regium ab æterno & in æternum adminiſtrat. Dan. 7. v. 14. Luc. 1. v. 33.

II. Chriſtus eſt rex univerſalis vel œcumenicus. Pſal. 72. v. 8. Matt. 28. v. 19. Phil. 2. v. 9, 10. Ephes. 1. v. 21, 22. Col. 2. v. 10.

III. Chriſtus non eſt rex terrenus; ſed cœleſtis: ideoq; terrena omnia neglexit, nempe 1. divitiar.

tias, 2. magnificentiam, & 3. honores mundanos, quamdiu in terris versabatur, & postea. Hinc prædicatur fuisse pauper, humilis, & mansuetus. Zachar. 9. v. 9. Matt. 21. v. 5. Ioh. 18. v. 16.

IV. Christus omne officium suum regium administrat non absens; sed maxime præsens; non secundum alterutram, sed secundum utramque naturam. Ratio prioris. Christus namque non est purus & nudus homo; sed Θεὸς ἁγνός, h. e. homo & Deus. E. etiam immensus ac infinitus, adeoque omnipræsens; non est longinquo, sed de propinquo. Ier. 23. v. 24. Act. 17. v. 27. Quo pacto præcellit Christus omnibus regibus mundanis; hi enim per subsidarios regnare solent: Christus vero secus. Ratio posterioris: quia omnia officia (inter quæ est etiam Regium) competunt Christo secundum utramque naturam. Sequitur hinc; ac regimen Christi duo pertinere requisita: 1. ad essentialiam seu præsentiam Christi secundum utramque naturam: ac secundum divinam quidem partem ob immensitatem; partim ob promissionem secundum humanam v. propter 1. hypostaticam unionem, 2. singularem promissionem nec non 3. dextris Dei sessionem. 2. operationem seu gubernationem & administrationem omnium in cælo & in terra, ac compressis in Ecclesiâ.

25. Porro officium Christi regium tres admittit gradus; pro regni Christi conditione & indole. Cujusvis expendi debent 1. Qualitas vel forma, 2. fundamentum.

26. Juxta

26. Juxta primum gradum vocatur regimen potentie, 1. ejusq; qualitas consistit in generali dominio super omnia; quod aliàs effertur per subjectionem omnium creaturarum, Psal. 8. v. 7. 1. Cor. 15. v. 27. Eph. 1. 22. dominationem in medio inimicorum, Psal. 110. v. 2. quos Christus cohibet, reprimit, punit & evertit, Psal. 2. v. 9. 1. Cor. 15. v. 54. 57.

2. Christus in diebus carnis, vel in statu exinanitionis, dominium universale in coelo, & in terra, non semper usurpavit secundum humanam naturam, inces-
santer, & plenariè; sed aliquando, ubi, quando, & quomodo ipsi placuit.

Licet namq; caro Christi habebat vél possidebat communicatam sibi à λόγῳ potentiam infinitam, quâ dominium universale plenariè exserere potuisset: nolebat tamen hoc facere semper; sed in quantum opus redemptionis permittebat. Alioquin enim 1. mori, & pati non potuisset. 2. petitio clarificationis non fuisset vera, sed simulata, vel apparens. Joh. 17. v. 3. 3. falsò affirmaret Spiritus S. dominium universale subsecutum fuisse ascensionem Christi super omnes celos. Eph. 4. v. 10. 4. falsò insuper in Symbolo confiteremur sessionem ad dextram Dei post ascensionem.

3. Fundamentum universalis domini, vel presentie generalis Christi secundum humanam naturam, est tunc unio Hypostatica; tunc sessio ad dextram Dei. Illa quidem respectu juris & potestatis, quippe

ob hanc caro Christi est σύνθετος λόγος facta, & in consortium Trinitatis recepta: Hæc verò respectu usurpationis plenaria.

27. Juxta secundum gradum vocatur Regimen gratiæ, estq; specialis operatio misericordiæ, & gratiæ in Ecclesia.

I. De qualitate seu forma regni gratiæ Axiom: Regnum gratiæ quintupliciter Christus expedit in Ecclesia.

1. Missionē, illuminationē, & confirmationē Apostolorum, Euangelistarum; pastorum, & Doctorum. Marci 16.v.5. Luc. 24.v.48.49. Acto. 1.v.8. Ephes. 4.v.11.

2. Collectionē Ecclesiæ per prædicationem verbi & dispensationem Sacramentorum. Matt. 28.v.19. Mar. 16.v.15.20.

3. Regenerationē; Sanctificationē; vivificationē credentium in baptismo, & cœna. Joh. 3.v.5.c. 6.v.55. Eph. 5.v.26. Tit. 3.v.5.1. Cor. 10.v.16.17.c. 11.v.24.25.

4. Protectionē & conservationē Ecclesiæ. Matt. 28.v.20. Apoc. 1.v.13.14.18.c.2.v.1.10.11.16.26. Act. 23.v.11.

5. Effusione variorum donorum Spiritus S. Marc. 16.v.17.18.20. Acto. 2.v.3.4. & 33. Rom. 12.v.6.1. Cor. 12.v.4.5.6.7.8.9.10.11.

II. Christus in statu exinanitionis fuit gratiose præsens etiam secundum humanam naturam, seu caput, Rex, & Mediator Ecclesiæ. Matth. 18.v.20.

III. De fundamento regni gratiæ Axiom. Fundamentum

damentum regni Christi gratia, adeoque ejus presentia
gratiosa est 1. unio hypostatica, 2. promissio ex li-
bera voluntate et propria eudoxia Christi profecta.
Matt. 18. v. 20. c. 28. v. 20. Joh. 14. v. 23.

28. iuxta tertium gradum vocatur regnum
justitiæ, et gloriæ.

1. Qualitas seu forma regni gloriæ consistit
in triplici actu Christi, 1. in excitatione mortuo-
rum. Ioh. 5. v. 28. 2. in universali judicio, piorum
ad gloriam; impiorum ad æternam ignominiam.
Matt. 25. v. 33. 34. 41. 46. Ioh. 5. v. 29. 1. Thes. 4. v.
14. 16. 17. Col. 3. v. 4. 3. in traditione regni Deo &
Patri. 1. Cor. 15. v. 24. Et tunc erit Deus omnia in
omnibus. v. 28.

2. Fundamentum regni gloriæ est 1. unio hypo-
statica, 2. Ascensio, et sessio ad dexteram majestatis
Dei, quoad ordinem temporis. Ioh. 20. v. 17. c. 14. v.
2. 3. Eph. 2. v. 6. Phil. 3. v. 20. Heb. 2. v. 13. 14.

3. Christus in statu Exinanitionis regnum gloriæ
non exercuit plenarie secundum humanam naturam.
Ratio, quia pro fundamento agnoscit hic tertius
gradus præter unionem, etiam Ascensionem in
cœlos, & sessionem ad dexteram Dei, E. hæc præ-
cedunt illum.

ANTITHESIS.

29. In genere, officium Christi impugnabat
1. Olander in uno extremo, justitiam nostram,
coram Deo humanæ naturæ adimens, & soli
Deitati Christi tribuens.

2. Stan-

2. *Stancarus* in altero extremo, qui opus Mediationis divinæ naturæ adimebat; & soli huiusmanitati tribuebat.

3. *Pontificij* & qui hodie sententiam *Stancari* sequuntur. Vide *Bellarm.* l. 5. de *Mediat.* c. 1. & 3.

4. *Calpiniani*, qui officium 1. Christi peractum esse negant in duabus naturis realiter. Vide *Dan.* in exam. *Chemnit.* p. 118. 156. & contra *Tubing.* p. 19. 20. 2. negant Christum esse Mediatorem Dei, ut omnium hominum; sed *solorum Electorum.* *Keckerm.* l. 3. *system. Theol.* c. 3. can. 4. & p. 332. obiectum officii Christi solos electos statuit cum *Beza*, *Piscat.* & *Zanchio.*

30. In specie I. Officium Propheticum impugnant 1. *Pontificij*, Christo novarum legum promulgationem affingentes.

2. *Photiniani*, qui fingunt 1. Christum addiscere habuisse necessum voluntatem Dei, more reliquorum hominum. *Catech. Racov.* de officio Prophet. p. 130. 2. Christi doctrinam ad Patres V. T. non pertinuisse. *Catech. d. l.* p. 131.

II. Sacerdotale impugnant 1. *Pontificij*, negantes, præstitam esse à Christo plenariam satisfactionem pro peccatis actualibus; unde opinio meritum.

2. *Photiniani*, negantes, passionem & mortem Christi fuisse satisfactoriam Deo vice nostri.

3. *Calpiniani* 1. Christi meritum restringentes ad solos Electos, ut & ejusdem applicationem; Christi; *intercessionem*,


III. *Regium oppugnant I. Photiniani*, contendendo, Christi regnum aliquando finem habiturum.


II. *Fratres rosæ crucis, cum Chiliastis fingentes ac somniantes sibi regnum terrenum post 1000. annos.*


III. *Photiniani & Calviniani*; illi quidem fingentes, regnum suum Christum administrare in absentia; hi verò in absentia humanæ naturæ his in terris, quibus adnumerantur meritò Pontificii, qui loco Christi absentis, aliud caput visibile his in terris substituunt, nempe Papam Romanum.


IV. *Schismatici nonnulli, statuentes, Christum in statu Exinanitionis jam fuisse exaltatum, adeoq; secundum humanam insuper naturam præsentem omnibus creaturis semper, ac indefinenter in cælo, & in terrâ, omnipotenter operatum fuisse, ut ut occultè sed citra scripturam, & contra fidei analogiam.*

F I N I S.










Biblioteka Jagiellońska



Biblioteka Jagiellońska



stdr0012641

